



PRAVILNIK

Discipline AR60; ARW60; AP60; APW60 i
pištolj velikog kalibra

Sarajevo, juli 2022. godine



PRAVILNIK

za

discipline AR60; ARW60; AP60; APW60 i pištolj velikog kalibra

Juli, 2022. godine

(Namjerno ostavljeno praznim)

Na osnovu Zakon o sportu u Bosni i Hercegovini “Službeni glasnik BiH“, broj 66/16, Zakona o udruženjima i fondacijama Federacije Bosne i Hercegovine“ Službeni glasnik BiH“, broj 94/16, Statuta Streljačkog saveza Federacije Bosne i Hercegovine, a u cilju regulisanja organizacije i načina takmičenja u streljaštvu za discipline AR60; ARW60; AP60; APW60 i pištolj velikog kalibra u Streljačkom savezu Federacije Bosne i Hercegovine Upravni odbor Streljačkog saveza Federacije Bosne i Hercegovine donosi:

PRAVILNIK

za

discipline AR60; ARW60; AP60; APW60 i pištolj velikog kalibra

S A D R Ź A J

POGLAVLJE	STRANA
1. OPŠTE ODREDBE	3 – 3
2. SIGURNOST	3 – 4
3. O SLUŽBENOJ DISCIPLINI	4 – 5
4. STANDARDI STRELIŠTA I META	5 – 7
5. OPREMA I MUNICIJA	7 – 9
6. SLUŽBENO OSOBLJE NA TAKMIČENJU	8 – 10
7. POSTUPCI I PRAVILA TAKMIČENJA	11 – 15
8. ADMINISTRATIVNE AKTIVNOSTI PRIJE TAKMIČENJA	15 – 16
9. NEPRAVILNOSTI	16 – 17
10. PRAVILA PONAŠANJA NA STRELIŠTU ZA STRIJELCE	17 – 18
11. KAZNE ZA PREKRŠAJE – DISCIPLINSKI PROPISI	18 – 19
12. PRAVILA ZA RUKOVANJE ORUŽJEM	19 – 20
13. EVIDENTIRANJE REZULTATA I NAGRADE	20 – 21
14. NERIJEŠENI-JEDNAKI REZULTATI	21 – 22
15. ŽALBE I PRIGOVORI	22 – 23
16. SLUŽBENI PREDSTAVNICI SSFBiH	23 – 25
17. SISTEM TAKMIČENJA	
18. PRELAZNE I ZAVRŠNE ODREDBE	25 - 25

Korištene skraćenice u Pravilniku

ISSF	Međunarodna streljačka sportska federacija
SS FBiH	Streljački savez Federacije Bosne i Hercegovine
STK	Stručno-takmičarska komisija
AR	Zračna puška
AP	Zračni pištolj
ARW	Zračna puška žene
APW	Zračni pištolj žene

1. OPŠTE ODREDBE

- 1.1. Odredbe Streljačkih pravila za vazдушna puška-pištolj i pištolj velikog kalibra Streljačkog saveza Federacije Bosne i Hercegovine moraju primjenjivati sve organizacije udružene u Streljački savez Federacije Bosne i Hercegovine (u daljem tekstu SS FBiH) na svim takmičenjima u programu SS FBiH i udruženih organizacija.
- 1.2. SS FBiH se zalaže da se ovaj Pravilnik primjenjuje i na streljačka takmičenja koja se organizuju i održavaju izvan programa SS FBiH i udruženih organizacija.
- 1.3. Tehnička pravila Međunarodne sportske streljačke organizacije (u daljem tekstu ISSF) za vazдушnu pušku i pištolj, zajedno sa ovim Pravilnikom čine jedinstvenu cjelinu, te se primjenjuju u svim slučajevima koji nisu posebno regulisani ovim Pravilnikom.
- 1.4. Svi strijelci, treneri i službene osobe moraju biti upoznati sa ovim Pravilnikom te moraju osigurati da se ta pravila provode. Odgovornost svakog strijelca, trenera i službene osobe je da se ponaša u skladu sa tim pravilima.
- 1.5. Ukoliko ne postoje posebna pravila za muška ili ženska takmičenja, moraju se primjenjivati jedinstvena pravila i za muška i za ženska takmičenja.

2. SIGURNOST

SIGURNOST JE OD IZUZETNE VAŽNOSTI!

- 2.1. Sigurnost strijelaca, osoblja na strelištu i gledalaca zahtjeva stalno pažljivo rukovanje oružjem kao i oprez kod kretanja strelištem. Samodisciplina je potrebna kod svih učesnika a kod nedostatka samodiscipline, dužnost je sudija da uvedu disciplinu a strijelaca i trenera ekipa da u tome pomognu.
- 2.2. U interesu sigurnosti, sudija ili tehnički delegat može zaustaviti gađanje u svako vrijeme. Strijelci i treneri ekipa moraju odmah prijaviti sudiji ili članu žirija svaku situaciju koja može biti opasna ili može uzrokovati nesreću.
- 2.3. Sudija ili tehnički delegat mogu dirati strijelčevu opremu (uključujući oružje) i bez njegove dozvole, ali u njegovoj prisutnosti i s njegovim znanjem. Izuzetak je moguć iz razloga sigurnosti, kada je potreban hitan i učinkovit postupak.
- 2.4. U interesu sigurnosti svim oružjem se mora rukovati sa maksimalnom pažnjom u svako vrijeme. Oružje se ne smije iznositi sa linije gađanja tokom trajanja gađanja bez dozvole linijskog sudije.
- 2.5. Oružje se može puniti samo na liniji gađanja i to u vrijeme trajanja probe i u vrijeme trajanja meča.

- 2.6. Kada je izdata komanda ili signal „STOP“ gađanje mora odmah prestati. Svi takmičari moraju spustiti svoje oružje i time ih učiniti bezbjednim. Takmičenje se može nastaviti samo poslije date komande ili signala.
- 2.7. Prije napuštanja streljačke pozicije, strijelac mora isprazniti svoje oružje i staviti silk kroz cijev oružja inače strijelac može biti diskvalifikovan zbog narušavanja bezbjednosti na strelištu.
- 2.8. U disciplini pištolj velikog kalibra pri svakom napuštanju linije pištolj mora biti siguran tako što će se okvir oružja izvaditi iz pištolja te ubaciti silk kroz cijev te će se tražiti dozvola od sudije koji je dužan provjeriti da je pištolj prazan i siguran.
- 2.9. Za vrijeme takmičenja,oružje može biti odloženo samo nakon što je ispražnjeno i stavljen silk kroz cijev.
- 2.10. Zamjena cilindra kod oružja je strogo zabranjena na liniji u vrijeme trajanja meča, strijelac mora tražiti dozvolu od linijskog sudije da ode u sigurnu prostoriju da zamjeni cilindar.
- 2.11. U slučaju kvara kod oružja strijelac je dužan da to prijavi sudiji te da u pratnji sudije napusti streljačku liniju s oružjem, strijelac se može vratiti na liniju samo ako je kvar kod oružja uklonjen.

3. O SLUŽBENOJ DISCIPLINI

Službene discipline SS FBiH obuhvataju dio službenih disciplina ISSF za koje su stvoreni kadrovski i materijalni preduslovi.

3.1. DISCIPLINE DOMAĆEG PROGRAMA

Na nivou SS FBiH podržavaju se discipline ISSF programa i domaćeg programa, kako slijedi:

AR60-VAZDUŠNA PUŠKA	Juniori (M/Ž)	Seniori (M/Ž) Pojedinačno i ekipno
AR40-VAZDUŠNA PUŠKA	Kadeti (M/Ž)	Pojedinačno i ekipno
AP60-VAZDUŠNI PIŠTOLJ	Juniori (M/Ž)	Seniori (M/Ž) Pojedinačno i ekipno
AP40-VAZDUŠNI PIŠTOLJ	Kadeti (M/Ž)	Pojedinačno i ekipno
PIŠTOLJ 9mm	Seniori (M/Ž)	Pojedinačno

Olimpijske discipline MIX Team-Puška i Pištolj, Rapid fire (Brza paljba-pištolj malog kalibra), 3x20 (Trostav-puška malog kalibra) se ne održavaju u programu SS FBiH.

Neolimpijske discipline Vojnička puška 300m, Pištolj malog kalibra 50 m, Runing target (pokretne mete 10 m i 50 m) i Target sprint se ne održavaju u programu SS FBiH.

Ukoliko se ukaže potreba za proširenjem disciplina podržanih od strane SS FBiH, Upravni odbor će donijeti odluku o proširenju broja disciplina s tim da je prva godina provođenja discipline pokazna, kako bi se utvrdio interes članstva i materijalne osnove.

3.2. STRELJAČKE KATEGORIJE I DOBNE GRUPE

- 3.2.1. Dobna grupa kadeta, odnosno kategorija kadeta i kadetki obuhvataju takmičare koji su na dan 31. decembra, godine u kojoj se takmiče, mlađi od 18 godina. Takmičari ove kategorije mogu nastupiti i u starijim kategorijama.
- 3.2.2. Dobna grupa juniora, odnosno kategorija juniori i juniorke obuhvataju takmičare koji su na dan 31. decembra, godine u kojoj se takmiče, mlađi od 21 godine. Takmičari ove kategorije mogu nastupiti i u starijim kategorijama.
- 3.2.3. Dobna grupa seniora, odnosno kategorija seniora i seniorki u pravilu obuhvataju takmičare koji na dan 31. decembra, godine u kojoj se takmiče, stariji od 21 godine, ali je dozvoljeno i mlađim od propisane dobi da nastupe u ovoj kategoriji.

4. STANDARDI STRELIŠTA I META

Standardi strelišta i meta za discipline ISSF programa detaljno su obrađeni u okviru Opštih tehničkih pravila ISSF te je potrebno biti upoznat sa ovim dokumentom kako bi se primjena u praksi decidno provodila.

- 4.1. Opšti standardi za strelišta.
Strelište mora imati razmak od 10 metara između strijelca i mete.
Razmak mora biti obilježen bijelom linijom koju strijelac ne smije nagaziti.
Da bi se održalo takmičenje strelište mora imati odgovarajuću rasvjetu minimalno 1500 luxa na meti.
- 4.2. Strelište mora imati mokri čvor, svlačionicu ili odvojenu prostoriju za tu namjenu i prostor za komisiju za ocjenjivanje meta.
- 4.3. Za održavanje takmičenja Strelište bi trebalo 15 funkcionalnih streljačkih mjesta, te razmak između mjesta mora biti minimalno 1 metar.
- 4.4. Meta za pušku mora imati krug dijametra 45,5 milimetara, crni krug dijametra 30,5 milimetara, krug devetke dijametra 5,5 milimetara, krug desetke dijametra 0,5 milimetara te visina mete mora biti 1,4 (± 5 cm) metra iznad poda.
- 4.5. Meta za pištolj mora biti dimenzija 17x17 centimetara, krug centra mora biti dijametra 11,5 milimetara te se svaki slijedeći krug se uvećava za 16 milimetara te visina mete mora biti 1,4 (± 5 cm) metra iznad poda.
- 4.6. **Meta za pištolj velikog kalibra** je veličine 55x55 cm minimalno i treba imati krug dijametra 50 cm i crni krug dijametra 20 cm.
 - 4.6.1. Meta je izdjeljena na deset kružnih polja koje imaju slijedeće dimenzije:
 - **10** - 50 mm ($\pm 0,2$ mm) spoljnog dijametra
 - **9** - 100 mm ($\pm 0,4$ mm)
 - **8** - 150 mm ($\pm 0,6$ mm)
 - **7** - 200 mm ($\pm 1,0$ mm)

- 6 - 250 mm ($\pm 1,0$ mm)
- 5 - 300 mm ($\pm 1,0$ mm)
- 4 - 350 mm ($\pm 1,0$ mm)
- 3 - 400 mm ($\pm 1,0$ mm)
- 2 - 450 mm ($\pm 1,0$ mm)
- 1 - 500 mm ($\pm 1,0$ mm).

- 4.6.2. Krugovi od 1- 6 su bijeli, sa crnim graničnim linijama a od 7 - 10 su crni, sa bijelim graničnim linijama. Debljina graničnih linija iznosi od 0,2 - 0,5 mm. Brojevi vrijednosti krugova štampani su u krugovima, horizontalno i vertikalno, u međusobnom odnosu koji se karakteriše pravim uglom. Krug 10 nije označen brojem. Brojevi trebaju da budu visoki cca 10 mm i damogu lako da se čitaju kroz streljački dvogled normalnog tipa na propisanom odstojanju.
- 4.7. Svako streljačko mjesto mora imati električni nosač meta, te streljačka mjesta moraju biti odvojena od publike nekim oblikom barijere
- 4.8. Ukoliko se gađa na elektronske mete, primjenjuju se ISSF tehnička pravila za iste tj. mete moraju zadovoljavati tehničke uslove za organizaciju takmičenja
- 4.9. Strelište za disciplinu pištolj velikog kalibra mora zadovoljiti sve uslove koje je propisalo nadležno Ministarstvo unutrašnjih poslova.
- 4.9.1. Da bi se održalo takmičenje strelište mora obezbjediti minimalnu udaljenost od strijelca do mete koja iznosi 25 metara.
- 4.9.2. Streljačko mjesto mora da bude natkriveno na visini od najmanje 2,2 metra iznad nivoa vatrene linije te moraju da pruže strijelcu odgovarajuću zaštitu od sunca, vjetra i kiše.

5. OPREMA I MUNICIJA

- 5.1. Svi uređaji, municija ili oprema koji nisu pomenuti u ovom Pravilniku ili koji su u suprotnosti sa duhom ISSF propisa i pravila, nisu dozvoljeni. Žiri ima pravo da provjeri i ispita takmičarevo oružje, municiju i opremu u bilo koje vrijeme. Treneri snose odgovornost za izgled i upotrebu opreme od strane svojih strijelaca u skladu sa ovim Pravilnikom.
- 5.2. Oružje koje je dozvoljeno za korištenje na takmičenjima su:
- 5.2.1. Svi tipovi vazdušnih pušaka kalibra 4,5 mm maksimalne brzine do 200 m/s.
- 5.2.2. Svi tipovi vazdušnih pištolja kalibra 4,5 mm maksimalne brzine do 200 m/s.
- 5.2.3. Svi tipovi pištolja kalibra 9 mm.
- 5.3. U disciplini pištolj velikog kalibra obavezna oprema su antifoni i zaštitne naočale.

- 5.4.** Svi strijelci moraju biti propisno obučeni i to:
- 5.4.1. Strijelci u disciplini vazdušna puška trebaju biti u streljačkoj opremi propisanoj po standardima ISSF-a, ako nisu u mogućnosti onda trebaju biti u trenerci.
 - 5.4.2. Strijelci u disciplini vazdušni pištolj i pištolj velikog kalibra trebaju biti u trenerci te po propisima ISSF-a, zabranjeno je nositi patike koje prelaze članak noge.
 - 5.4.3. Dozvoljeno je strijelcima u svim disciplinama nositi ljetnu odjeću i to majica kratkih rukava i šorc koji može biti maksimalno 4 cm iznad koljena.
 - 5.4.4. Nije dozvoljeno nositi farmerke (jeans-džins), majice bez rukava, šorc koji je više od 4 cm iznad koljena te papuče, japanke, klompe i sl.
- 5.5.** Svi takmičari moraju poštovati ISSF pravila o prihvatljivosti i sponzorstvu koji je obrađen posebnim odjeljkom (4. Statuta zvaničnih pravila i propisa) a koji sadrži pravila nadmetanja na ISSF takmičenjima u vezi amblema, sponzorstva, promocije i komercijalnog marketinga odjeće zajedno sa kontrolom i sankcijama.

6. SLUŽBENO OSOBLJE NA TAKMIČENJU

- 6.1.** Službeno osoblje na takmičenjima su: šef strelišta, tehnički delegat, glavni sudija, linijske sudije, žiri i komisija za ocjenjivanje meta.
- 6.2.** Dužnosti i funkcija tehničkog delegata je da utvrdi prije početka takmičenja, da li je strelishte i organizacija takmičenja usaglašena sa propisima Pravilnika.
- 6.3.** Tokom takmičenja, dužnost Tehničkog delegata je:
- a. Da nadgleda takmičenje;
 - b. Da osigura primjenu pozitivnih streljačkih pravila i da donosi odluke u svim slučajevima koji nisu predviđeni ovim Pravilnikom;
 - c. Da pregleda i kontroliše oružje i opremu takmičara u svako vrijeme na strelištu;
 - d. Da donosi pojedinačne odluke u duhu i smislu ISSF pravila i propisa;
 - e. Da donosi odluke u smislu sankcionisanja i kažnjavanja učesnika koji se ne pridržavaju propisa i čije ponašanje nije u sportskom duhu;
 - f. Da se bavi svim prigovorima koji su podneseni u saglasnosti sa ISSF pravilima i propisima i primjenom ISSF propisa o prihvatljivosti komercijalnih obilježja na odjeći i opremi.
- 6.4.** Glavnog šefa strelišta imenuje Organizacioni odbor. On je odgovoran za sva tehnička i logistička pitanja u vezi pripreme i pravilnog provođenja takmičenja.
- 6.5.** Dužnosti šefa strelišta su sledeća:
- a. Da daje instrukcije i da nadgleda pripremu strelišta prema tehničkim i sigurnosnim propisima koji su dati ISSF-ovim tehničkim pravilima predviđenim za određena takmičenja;

- b. Da izdaje naredbe i nadgleda pripremu pomoćnih kapaciteta i sredstava, tehničku i medicinsku službu, pomoćno osoblje i dr.;
 - c. Da obezbjedi dovoljnu količinu meta za takmičenje
 - d. Da pripremi raspored strijelaca za takmičenje kao i program nastupa za takmičenje, uključujući i takmičarske liste;
 - e. Da uz saglasnost tehničkog delegata, donosi odluke o promjenama satnice za takmičenje, kao i o prekidu takmičenja iz sigurnosnih ili drugih razloga;
 - f. Da imenuje, uz saglasnost Organizacionog odbora, glavnog sudiju koji se bira sa liste predloženih sudija;
 - g. Obavlja sve gore navedene obaveze uz tijesnu saradnju sa tehničkim delegatom, glavnim sudijom i ostalim osobljem.
- 6.6.** Glavni sudija ima sledeće obaveze:
- a. Nadgleda linijske sudije;
 - b. Daje uputstva i informacije linijskim sudijama o dogovorima u vezi organizacije i procedure takmičenja;
 - c. Priprema raspored i određuje dužnosti linijskih sudija;
 - d. Priprema strelišta za aktuelno takmičenje tako što obezbeđuje da sva oprema na strelištu bude pravilno raspoređena, kao što je tabla za rezultate, sjedišta za pomoćne sudije i zapisničare itd.;
 - e. Donosi odluke, uz saglasnosti tehničkog delegata, kao što su kada i u koje vrijeme takmičar, koji je morao da napusti svoju liniju da bi otklonio kvar na oružju ili je bio proglašen odsutnim, može dobiti dozvolu da završi svoju seriju;
 - f. Da obavještava tehničkog delegata o bilo kom nastalom mehaničkom ili drugom problemu.
 - g. Da glasno naglasi strijelcima kada im je ostalo 10 minuta i 5 minuta meča.
- 6.7.** Glavni Sudija – Takmičenje mora voditi sudija sa bogatim iskustvom u streljaštvu kao i u poznavanju oružja za takmičenje. Njegova glavna obaveza je da donosi trenutne odluke u vezi pogodaka ili promašaja mete, ponavljanja i slično i mora dati jasan znak za sve promašene mete. Sudija također donosi odluku o ispravnosti pušaka-pistolja i kvarovima. Sudija može dati opomenu (zeleni karton) strijelcu za kršenje pravila i mora evidentirati takve opomene u zvaničnu tabelu rezultata na strelištu. Sudija može dati kazne ili vršiti diskvalifikaciju uz saglasnost žirija.
- 6.8.** Linijski sudija – dužnost linijskog sudije je da prati regularnost takmičenja na streljačkim mjestima za koja je zadužen te daje dozvolu strijelcima da mogu napustiti streljačko mjesto, preuzima takmičarski karton i mete od strijelca nakon završenog meča. Svaku uočenu neregularnost prijavljuje Glavnom sudiji.
- 6.9.** Broj linijskih sudija se određuje brojem streljačkih mjesta te maksimalno jedan linijski sudija može biti zadužen za 10 (deset) streljačkih mjesta a minimalno za 5 (pet) streljačkih mjesta.
- 6.10.** Glavni sudija uvijek sam donosi konačnu odluku. Ako je neki od linijskih sudija suprotnog mišljenja, obaveza mu je da na to skrene pažnju sudije podizanjem ruke ili na neki drugi način. Poslije konsultacije, sudija donosi konačnu odluku.

- 6.11.** U spornim situacijama, sudija mora konsultovati linijske sudije prije donošenja konačne odluke.
- 6.12.** Na sudijsku odluku može se uložiti žalba u dijelu koji se odnosi na tumačenje i primjenu propisa.
- 6.13.** Glavni sudija i linijske sudije, pod kontrolom tehničkog delegata, odgovorni su za primjenu sigurnosnih propisa i pravilno vođenje takmičenja.
- 6.14.** U slučaju da Glavni sudija donese odluku protivnu pravilima ISSF i ovog Pravilnika Tehnički delegat je dužan da istu evidentira u zapisniku.
- 6.15.** Žiri takmičenja čini tehnički delegat, glavni sudija i šef strelišta.
- 6.16.** Komisija za ocjenjivanje meta se sastoji od 3 (tri) člana koje bira Organizacioni odbor.
- 6.16.1. Komisija može ocjenjivati mete ručno ili automatski.
- 6.16.2. U slučaju da se gađa na elektronske mete umjesto komisije organizacioni odbor imenuje Operatera elektronskih meta koji vrši poslove komisije.
- 6.16.3. Komisija ili Operater za svoj rad i tačnost podataka odgovaraju Tehničkom delegatu u toku takmičenja a za tačnost podataka nakon održanog takmičenja odgovaraju Komesaru.

7. POSTUPCI I PRAVILA TAKMIČENJA

7.1. Program takmičenja

Disciplina	Broj hitaca Muškarci	Broj hitaca Žene
AR 60 i ARW 60	60	60
AR 40 i ARW 40	40	40
AP 60 i APW 60	60	60
AP 40 i APW 40	40	40
Pištolj velikog kalibra	20	20

- 7.2.** Za discipline vazdušna puška i vazdušni pištolj takmičenje u pojedinačnoj i ekipnoj konkurenciji za muškarce i žene u juniorskoj i seniorskoj kategoriji se sastoji od 60 hitaca koje se gađaju u 6 (šest) serija po 10 hitaca.
- 7.2.1. Vrijeme gađanja je 15 minuta proba i 90 minuta meč.
- 7.2.2. U slučaju da se gađa na elektronske mete vrijeme gađanja je 15 minuta proba i 75 minuta meč.
- 7.2.3. Rezultat se računa na decimalne pogotke za disciplinu AR 60 i ARW 60, te na pune krugove za disciplinu AP 60 i APW 60.

- 7.2.4. Prijava ekipa je obavezna te u slučaju da klub ne prijavi ekipu svi nastupi će se smatrati kao pojedinačni.
- 7.2.5. Da bi se izvršilo proglašenje pobjednika i podjela pehara i medalja u ekipnoj konkurenciji potrebno je učešće najmanje 4 (četiri) ekipe.
- 7.2.6. Da bi se izvršilo proglašenje pobjednika i podjela medalja u pojedinačnoj konkurenciji potrebno je učešće najmanje 6 (šest) takmičara iz 3 kluba.
- 7.3.** Za discipline vazдушna puška i vazdušni pištolj takmičenje u pojedinačnoj i ekipnoj konkurenciji za muškarce i žene u kadetskoj kategoriji se sastoji od 40 hitaca koje se gađaju u 4 (četiri) serije po 10 hitaca.
- 7.3.1. Vrijeme gađanja je 15 minuta proba i 60 minuta meč.
- 7.3.2. U slučaju da se gađa na elektronske mete vrijeme gađanja je 15 minuta proba i 45 minuta meč.
- 7.3.3. Rezultat se računa na pune krugove.
- 7.3.4. Primjenjuju se identična pravila za prijavu ekipa i proglašenje pobjednika kao u članovima 7.2.2.;7.2.3. i 7.2.4.
- 7.4.** Sve mete moraju biti numerisane te prva meč meta mora biti potpisana sa stražnje strane od strane Tehničkog delegata
- 7.5.** Za disciplinu pištolj velikog kalibra u pojedinačnoj konkurenciji za muškarce i žene se sastoji od 20 hitaca koje se gađaju u 4 (četiri) serije po 5 hitaca
- 7.4.2. Vrijeme gađanja je 10 minuta proba i 40 minuta meč.
- 7.4.3. Svaka serija od 5 (pet) hitaca se gađa 10 minuta.
- 7.4.4. Između serija se pravi pauza od 5 minuta da se mete mogu zamjeniti, sudija je dužan da koristi komandu STOP u vrijeme mijenjanja mete i komandu START da bi slijedeća serija započela.
- 7.4.5. Pauza između serija se može i ranije napraviti ako su strijelci te partije svi ranije završili seriju, odluku donosi sudija.
- 7.4.6. Svaka meta mora biti numerisana (automatski ili ručno) i mora pisati ime i prezime strijelca u donjem desnom uglu.
- 7.4.7. Strijelac je dužan da ima u okviru pištolja uključujući i metak u cijevi 5 (pet) metaka po seriji da bi se izbjegle moguće neregularnosti.
- 7.6.** U disciplinama vazдушna puška-pištolj sve mete moraju biti numerisane te prva meč meta mora biti potpisana sa stražnje strane od strane tehničkog delegata.

- 7.6.1. Svi takmičari su dužni popuniti takmičarski karton kako je naloženo u istom.
- 7.7.** Disciplinska pravila – Obaveza takmičara je da bude na strelištu prema predviđenoj satnici sa svom opremom i oružjem te spreman za pucanje.
- 7.8.** Ukoliko takmičar zakasni na takmičenje a moguće je dokazati da je kašnjenje posljedica okolnosti van njegove kontrole i uticaja, žiri mora kada je to moguće, omogućiti učešće takmičaru bez remećenja ukupnog programa gađanja. U tom slučaju će Šef strelišta odrediti kada i na koji način će strijelac pucati.
- 7.9.** Takmičar koji je proglašen odsutnim, mora se javiti glavnom sudiji prije nego što je njegova partija završila seriju koju je propustio i zatražiti odobrenje da puca propuštenu seriju. Ukoliko takmičar ovako ne postupi, mora biti diskvalifikovan sa takmičenja.
- 7.10.** Ukoliko takmičar napusti svoju partiju zbog razloga kvara na oružju ili zbog drugih razloga koji su predviđeni ovim pravilima te je kvar otklonjen ili je uzeo zamjensko oružje, mora mu se odobriti da nastavi gađati do isteka vremena predviđenog za tu partiju.
- 7.10.1. Ukoliko takmičar ne stigne završiti gađanje u vremenu predviđenom za tu partiju, hitci koje nije stigao gađati će se računati kao promašaj.
- 7.11.** Ukoliko takmičar napusti svoju partiju bez razloga koji su predviđeni ovim pravilima ili bez razloga koje je prihvatio i odobrio sudija, svi preostali hitci će se tretirati kao promašaji.
- 7.12.** Svi ostali prekršaji koji nisu obuhvaćeni prethodnim propisima, sankcionišu se davanjem opomene takmičaru koji ih je prvi put učinio. Svaki sledeći slučaj u istoj seriji kažnjava se oduzimanjem dva kruga.
- 7.13.** Nesportsko ponašanje ili namjerno izbjegavanje ovih propisa može imati za posledicu opomenu, oduzimanjem dva kruga ili diskvalifikaciju sa takmičenja na osnovu odluke žirija.
- 7.14.** Definicija promašaja mete – u disciplini vazдушna puška-pištolj .
- 7.14.1. U slučaju da oružje u meču ispuca samo zrak isti se mora evidentirati kao promašaj te strijelac odlaže čistu metu koja se evidentira i stavlja novu metu te nastavlja meč.
- 7.14.2. U slučaju pogotka izvan okvira kruga mete ili čak cijele mete, pogodak se evidentira kao promašaj.
- 7.14.3. U slučaju da strijelac pogodi dva puta u istu metu, isto se neće evidentirati kao promašaj nego je dužan da odloži slijedeću metu u seriji praznu te da nastavi sa gađanjem. Dozvoljeno je da se ovaj slučaj 2 (dva) puta ponovi bez sankcije sudije a za svaki slijedeći put sudija oduzima 2 (dva) kruga.
- 7.15.** Definicija promašaja mete – u disciplini pištolj velikog kalibra.

- 7.15.1. U slučaju pogotka izvan okvira kruga mete ili čak cijele mete, pogodak se evidentira kao promašaj.
- 7.15.2. U slučaju da strijelac opali više od 5 (pet) metaka u metu oduzimaju mu se najbolji pogodci u toj meti u količini viška ispaljenih metaka te u narednoj seriji je uskraćen za istu količinu hitaca koji se računaju kao promašaji.

8. ADMINISTRATIVNE AKTIVNOSTI PRIJE TAKMIČENJA

- 8.1.** Strijelci i treneri moraju biti obavješteni o tačnoj satnici i rasporedu gađanja minimalno dan prije samog takmičenja.
- 8.2.** Treneri moraju izvršiti finalnu prijavu učesnika poimenično za individualna i ekipna takmičenja Organizacionom odboru najmanje dva dana prije početka takmičenja i time potvrditi preliminarnu prijavu koju su dužni poslati ranije.
- 8.3.** Ukoliko je nužno vršiti promjenu rasporeda, strijelci o tome moraju biti blagovremeno obavješteni kako bi se na vrijeme prilagodili novonastalim promjenama.
- 8.4.** Sve meč mete moraju biti numerisane.
- 8.5.** Ukoliko je strijelac ispalio svoj prvi metak u takmičenju i mora se povući, ne može biti zamjenjen drugim strijelcom.
- 8.6.** Obaveza strijelca je da bude na strelištu u pravo vrijeme prema usvojenom rasporedu i satnici sa oružjem te ostalom potrebnom opremom.
- 8.7.** Jednom kada takmičenje počne, mora se odvijati bez prekida prema programu osim u slučajevima mehaničkih prekida. Samo glavni sudija uz odobrenje tehničkog delegata, može prekinuti gađanje u slučaju uslova koji onemogućavaju normalno gađanje na strelištu.
- 8.8.** Dani u sedmici koji su predviđeni za takmičenja su Subota i Nedjelja.
- 8.9.** U slučaju da je prijavljeno više takmičara, dozvoljava se Organizacionom odboru da takmičenje održi u dva dana uz saglasnost Komesara.
- 8.9.1. U slučaju nemogućnosti Komesara istu odluku može donjeti Upravni odbor.

9. NEPRAVILNOSTI

- 9.1.** Puška-pištolj će se smatrati neispravnim ako:
- Ako se iz nje ne može bezbjedno gađati;
 - Ako ne može da opali;
 - Ako ne izbacuje čahure usljed mehaničkog defekta-pištolj velikog kalibra.

- 9.2.** Kao neispravnost oružja se ne podrazumjeva sledeće:
- d. Pogrešno rukovanje oružjem od strane strijelca;
 - e. Propust da se stavi dijabola u oružje;
 - f. Propust da se stavi više dijabola u oružje;
 - g. Prazna čahura u okviru pištolja-pištolj velikog kalibra.
- 9.3.** Odluke o neispravnosti i kvarovima na oružju može donijeti samo sudija.
- 9.4.** Kao neispravnost municije će se smatrati kada se otisak udara udarne igle jasno vidi na kapisli metka.
- 9.5.** Municija pogrešnog kalibra se ne smatra neispravnom municijom. Sudija može kazniti strijelca za nebezbedno rukovanje oružjem.
- 9.6.** Ako sudija odluči da za neispravnost oružja ili municije nije kriv strijelac te da se oružje ne može dovoljno brzo osposobiti, strijelac se može poslužiti drugim ispravnim oružjem ukoliko se ona može obezbjediti u roku od 5 minuta od trenutka kada je oružje proglašeno neispravnim.
- 9.7.** Strijelcu se dozvoljava najviše dva otkazivanja (zastoji usljed neispravnosti oružja ili municije) u jednoj seriji, bez obzira da li je ili ne mjenjao oružje ili municiju.
- 9.8.** Svaka regularna meta,na kojoj se dogodi neka dodatna neispravnost oružja ili municije, proglasit će se kao promašaj bez obzira da li je strijelac pokušao da puca ili ne.

10. PRAVILA PONAŠANJA ZA STRIJELCE I TRENERE

- 10.1.** Pravila ponašanja se odnose na disciplinu na poziciji za gađanje, kršenja pravila ili propisa o bezbjednosti.U slučaju kršenja,strijelcu može biti izrečena opomena (žuti karton) od strane Glavnog sudije. Kažnjavanje, oduzimanje poena ili slično kao i diskvalifikacija može biti izrečena samo od strane žirija.
- 10.2.** Svaka ekipa i pojedinac mora imati trenera koji je odgovoran za održavanje discipline u svom timu. Kao trener ekipe,na to mjesto može biti imenovan i strijelac. Trener mora saradivati sa šefom strelišta cijelo vrijeme u interesu bezbjednosti, efikasnosti odvijanja takmičenja i sportskog ponašanja. Trener je odgovoran za sve zvanične poslove u vezi svoje ekipe.
- 10.3.** Obaveza trenera je da bude u potpunosti upoznat sa propisima i programom takmičenja. On je također odgovoran da njegovi strijelci budu u određeno vrijeme na svojim pozicijama za gađanje.
- 10.4.** Trener je odgovoran i za:
- a. Kompletiranje potrebnih formulara koji sadrže potrebne informacije i njihovo dostavljanje zaduženim zvaničnicima u traženom roku;
 - b. Kontrolu rezultata i ulaganje prigovora u slučaju potrebe;
 - c. Provjeru preliminarnih i zvaničnih biltena,rezultata i proglašenja;
 - d. Primanje zvaničnih informacija i zahtjeva i njihovo prenošenje članovima tima.

- 10.5. Podučavanje nije dozvoljeno za vrijeme zvaničnih takmičenja dok se strijelac nalazi u zoni gađanja. Treneri i instruktori ne smiju biti u streljačkoj zoni.
- 10.6. Ukoliko trener želi da priča sa svojim takmičarom koji se nalazi u streljačkoj zoni, ne smije ga kontaktirati direktno ili razgovarati sa njim. Za to mora obezbijediti dozvolu sudije koji će pozvati strijelca van prostora za gađanje.
- 10.7. Ukoliko trener ili strijelac krše pravila u vezi podučavanja, prvi puta se daje opomena. U ponovljenom slučaju, mora se oduzeti 2 (dva) kruga od rezultata a trener mora napustiti blizinu strelišta.
- 10.8. Zabranjena je upotreba mobitela ili bilo kojih drugih vrsta zvučnih uređaja ili komunikacionih sistema za vrijeme takmičenja. Dozvoljena je upotreba samo opreme za smanjenje jačine zvuka-antifona ili čepića za uši.
- 10.9. Upotreba mobilnih telefona ili sličnih uređaja od strane takmičara, trenera i službenih lica u zoni održavanja takmičenja je strogo zabranjeno. Svi mobilni telefoni moraju biti isključeni. Pušenje je zabranjeno u streljačkoj zoni.

11. KAZNE ZA PREKRŠAJE-DISCIPLINSKI PROPISI

- 11.1. U slučaju kršenja pravila ili instrukcija sudije ili žirija, strijelcima se mogu odrediti kazne i to:
- 11.2. Zvanična opomena od strane Glavnog sudije izražava se pokazivanjem zelenog kartona sa natpisom OPOMENA. To mora biti zabilježeno u Izvještaju o incidentima kao i u Zapisniku.
- 11.3. Opomena strijelcu mora biti izrečena tako da ne ostavlja sumnju da je zvanična opomena i mora se pokazati zeleni karton. Nije potrebno da opomena prethodi drugoj kazni.
- 11.4. Oduzimanje 2 (dva) kruga od rezultata proglašava se od strane Glavnog sudije pokazivanjem žutog kartona sa natpisom ODUZIMANJE. Ovo mora biti zabilježeno i Izvještaju o incidentima i u Zapisnik.
- 11.5. Diskvalifikacija se proglašava od strane žirija pokazivanjem crvenog kartona sa natpisom DISKVALIFIKACIJA. Ova odluka može biti donijeta samo većinom glasova članova žirija.
- 11.6. U slučaju diskvalifikacije, strijelac će biti rangiran na poslednje mjesto među učesnicima i njegov rezultat se stavlja u mirovanje.
- 11.7. Veličina kartona sa kojim se izriču opomene je 70x100 mm u navedenim bojama sa naznačenim natpisima.
- 11.8. U slučaju otvorenog kršenja pravila u pogledu oružja, odjeće, stava, obučavanja i slično, prvo se daje opomena kako bi strijelac imao priliku da ispravi svoju grešku. Ukoliko strijelac ne ispravi grešku u određenom vremenu 2 (dva) kruga

se oduzima od rezultata. Ako strijelac i dalje ne ispravlja grešku, mora se izvršiti diskvalifikacija.

- 11.9. U slučaju prikrivenog kršenja pravila kada je greška namjerno prikrivena, mora se odmah izreći diskvalifikacija.
- 11.10. Kada strijelac na nesportski način ometa drugog strijelca dok ovaj gađa, mora mu se oduzeti 2 (dva) kruga. Ukoliko se incident ponovi, mora se izvršiti diskvalifikacija.
- 11.11. Ukoliko strijelac pozvan da objasni izazvani incident, svjesno i namjerno daje pogrešnu informaciju bit će kažnjen oduzimanjem 2 (dva) kruga. U ozbiljnim situacijama, može se izreći i diskvalifikacija.
- 11.12. Ukoliko strijelac rukuje oružjem na opasan način ili krši neko od pravila o sigurnosti na strelištu, može biti automatski diskvalifikovan od strane žirija.

12. PRAVILA ZA RUKOVANJE ORUŽJEM

- 12.1. Sa svim oružjem, čak i kada je prazno, treba rukovati sa posebnom pažnjom.
- 12.2. Zabranjeno je dirati, pregledati ili rukovati oružjem drugog strijelca bez njegovog odobrenja, osim u slučaju kada to čini žiri radi pregleda oružja.
- 12.3. Nišanje je dozvoljeno samo sa pozicije za gađanje ili u za to predviđenom prostoru.
- 12.4. Nišanje ili gađanje meta drugih strijelaca je strogo zabranjeno.
- 12.5. Municija se ne smije stavljati u oružje sve dok strijelac ne zauzme mjesto na poziciji za gađanje, okrenut prema meti i oružjem uperenim prema meti te poslije sudijine dozvole za početak (START).
- 12.6. Strijelac ne smije napuštati poziciju za gađanje prije nego što provuče silku kruz cijev oružja. Kada je gađanje prekinuto, oružje se mora odložiti.
- 12.7. Strijelci ne smiju prouzrokovati nikakav prekid ili ometanje gađanja osim onih koji su ovim pravilima predviđeni, moraju svoj razgovor ograničiti na ulaganje prigovora ili odgovora na pitanja sudije.

13. EVIDENTIRANJE REZULTATA I NAGRADE

- 13.1. Za pojedinačni plasman za svakog strijelca rezultat svake serije mora biti čitko unijet u zvanični zapisnik i evidentiran na ploči za rezultate. Po završetku takmičenja, ukupan zbir svih pogodnih serija za svakog takmičara mora biti evidentiran i rangiran po broju pogodaka od viših ka nižim u zvaničnom biltenu takmičenja.

- 13.2.** Za ekipni plasman ,rezultat svakog člana ekipe mora biti evidentiran u skladu sa postignutim pojedinačnim rezultatom. Ekipni rezultati moraju biti rangirani od viših ka nižim prema ukupnom broju pogođenih meta koji su ostvarili svi članovi jedne ekipe.
- 13.3.** Evidencijske liste moraju sadržavati puno ime i prezime strijelca, startni broj te naziv kluba za koji nastupaju.
- 13.4.** Zvanični bilten takmičenja mora biti poslat Streljačkom savezu putem elektronske pošte, odmah kada se za to stvori mogućnost po okončanju takmičenja.
- 13.5.** Dva štampana primjerka kompletnog biltena takmičenja sa postignutim rezultatima i eventualnim ostvarenim rekordima mora biti poslat poštom Streljačkom savezu, u roku od najviše 3 dana po završetku takmičenja.
- 13.6.** Nagrade za pobjednike se dijele redoslijedom:
- Za ekipni plasman dijele se pehari za osvojena prva tri mjesta zajedno sa medaljama, isto tako se dodjeljuju diplome za prvih pet mjesta.
 - Za pojedinačni plasman se dodjeljuju medalje za prva tri osvojena mjesta, isto tako se dodjeljuju diplome za prvih pet mjesta.
 - Medalje za pojedinačni plasman moraju biti većeg dijametra od medalja za ekipni plasman.

14. NERIJEŠENI-JEDNAKI REZULTATI

- 14.1.** Neriješeni rezultati na olimpijskim disciplinama i drugim takmičenjima utvrđivat će se na sledeće načine:
- 14.2.** Zbirom unutrašnjih centara (muševa), ukoliko je isti rezultat muševa onda ukupnim zbirom centara, ukoliko opet dođe do istog rezultata gleda se najbolja serija, u slučaju ponovnog istog rezultata gleda se slijedeća najbolja serija i sve dok se ne postigne razlika.
- 14.3.** Ekipni neriješeni rezultati – ako dva ili više timova imaju isti rezultat računa se najbolji rezultat u ekipi, u slučaju ponovnog istog rezultata drugi najbolji rezultat, u slučaju da se ponovo ponovi isti rezultat računa se treći najbolji rezultat.
- 14.3.1. U slučaju da je po tački 14.3. rezultat ponovo isti računa se ukupni broj centara, slijedeće su devetke, osmice sve do postizanja razlike.

15. ŽALBE I PRIGOVORI

- 15.1.** Žalbene takse se uplaćuju po podnesenom prigovoru ili žalbi i to:
- | | |
|--------------|----------|
| Prigovor | 50,00 KM |
| Ostale žalbe | 30,00 KM |

Taksa mora biti vraćena ukoliko je prigovor/žalba prihvaćen ili se prosljeđuje Organizacionom odboru ako je prigovor odbijen.

- 15.2.** Svaki strijelac ili trener ima pravo da se žali na uslove takmičenja, odluke ili akcije odmah, usmeno službenom licu takmičenja ili članu žirija. Takvi prigovori mogu da se odnose na sledeće:
- Strijelac ili trener smatraju da se ISSF propisi i pravila ili program takmičenja ne poštuju u provođenju takmičenja;
 - Ako se strijelac ili trener ne slažu sa odlukom zvaničnika takmičenja, zvaničnika strelišta ili člana žirija;
 - Ako je strijelac ometen ili uznemiren od strane drugog strijelca, službene osobe, gledaoca, predstavnika medija ili drugih osoba ili uzročnika;
 - Ako je strijelac imao dugi prekid gađanja zbog tehničkih kvarova na opremi strelišta, nedostataka ili drugih uzročnika;
 - U slučaju da smatra da jedna, više ili sve mete nisu dobro ocenjene.
 - U slučaju tačke „e.“ zahtjevu se mora udovoljiti te se mete moraju ponovo oceniti redoslijedom kako je navedeno u prigovoru. Ako se ponovi isti ili manji rezultat oduzimaju se dva kruga od ukupnog rezultata.
- 15.3.** Službene osobe, sudije i članovi žirija moraju odmah razmotriti usmene proteste. Oni mogu odmah preduzeti aktivnosti za ispravljanje stanja ili prosljediti protest žiriju radi odlučivanja u punom sastavu. U takvom slučaju, sudija ili član žirija može privremeno, ukoliko je to potrebno, prekinuti gađanje.
- 15.4.** Ako strijelac ili trener nisu zadovoljni konačnom odlukom sudije, oni ne smiju odugovlačiti sa gađanjem te mogu staviti bilješku na evidencijsku listu da nastavljaju gađanje ali uz određeni prigovor. Taj prigovor razmatra žiri.
- 15.5.** Prigovori koji se podnose žiriju mogu biti usmeni ili pismeni. Obje vrste prigovora moraju biti praćene određenom taksom. Ako se žalba prihvati, uplaćena taksa se vraća a ako je žalba odbijena, taksa će biti predata Organizacionom odboru zajedno sa pismenom žalbom i odlukom žirija.
- 15.6.** Ako je strijelac ili trener nezadovoljan odlukom žirija takmičenja, može se pismeno žaliti STK. Takva žalba se mora podnijeti pismeno od strane ovlaštene osobe kluba podnosioca, najkasnije 24 sata od objavljivanja odluke žirija.
- 15.7.** Odluka STK je konačna. Kazna može biti ukinuta, smanjena ili povećana. Kopije svih odluka i odgovora na pismene žalbe i prigovore moraju biti prosljeđene od strane Organizacionog odbora ili Komesara takmičenja Generalnom sekretaru Streljačkog saveza, zajedno sa konačnim izvještajem i rezultatskim listama na reviziju Upravnom Odboru.

16. SLUŽBENI PREDSTAVNICI SSFBIH

- 16.1.** Službeni predstavnici SS FBIH su:
- Komesar
 - STK.
- 16.2.** Dužnost Komesara je:
- Da imenuje Tehničkog delegata sa liste vodeći računa da ne smije biti iz kluba domaćina takmičenja, te vodeći računa o rotaciji Tehničkih delegata.

- b. Da vodi evidenciju rezultata postignutih na takmičenjima.
 - c. Da vodi evidenciju postignutih rekorda.
 - d. Da odgovara za tačnost rezultata i postignutih rekorda.
- 16.3.** STK-Stručno takmičarska komisija je najviše tijelo odlučivanja ovlašteno od strane Upravnog Odbora SS FBiH.
- 16.4.** Dužnost STK je:
- a. Da daje prijedlog, izmjene ili dopune Pravilnika
 - b. Da tumači važeće Pravilnike i propise
 - c. Da napravi listu Tehničkih delegata
 - d. Da napravi listu Sudija koje mogu biti imenovane za Glavnog sudiju takmičenja
 - e. Da napravi kalendar takmičenja.
- 16.5.** Ovlaštenja STK su:
- a. Da donosi odluke po pitanju pismenih žalbi, odluka STK je konačna.
 - b. Da u slučaju kršenja Pravilnika sankcioniše odgovorne osobe do konačne odluke suda časti-disciplinskog suda.
 - c. U slučaju da kršenje pravilnika dolazi od Glavnog sudije ili Tehničkog delegata STK donosi odluku da iste ukloni sa lista te im izrekne zabranu obavljanja dužnosti do konačne odluke suda časti-disciplinskog suda.
 - d. U slučaju da kršenje pravilnika dolazi od Organizacionog odbora, STK donosi odluku o zabrani odvijanja takmičenja na strelištu iz kojeg Organizacioni odbor dolazi do konačne odluke suda časti-disciplinskog suda
 - e. U slučaju da se utvrdi da je takmičenje bilo neregularno STK ima ovlast da isto proglasi nevažećim te da zakaže termin novog takmičenja.
 - f. Odluku u tački „e.“ može odbaciti Upravni odbor većinom glasova.

17. SISTEM TAKMIČENJA

- 17.1.** Takmičenja će se organizovati po slijedećem sistemu:
- 17.2.** U disciplini AR 60; ARW 60; AP 60 i APW 60 takmičenje će se održati u formatu i nazivu PRVENSTVO FBiH JUNIORI-SENIORI OLIMPIJSKI PROGRAM.
- 17.3.** U disciplini AR 40; ARW 40; AP 40 i APW 40 takmičenje će se održati u formatu i nazivu PRVENSTVO FBiH KADETI STANDARD PROGRAM.
- 17.4.** U disciplini Pištolj velikog kalibra takmičenje će se održati u formatu i nazivu PRVENSTVO FBiH SENIORI PIŠTOLJ VELIKOG KALIBRA NEOLIMPIJSKI PROGRAM.
- 17.5.** U disciplini Pištolj velikog kalibra ako se ukaže potreba može se i održati takmičenje u formatu i nazivu KUP BIH PIŠTOLJ VELIKOG KALIBRA NEOLIMPIJSKI PROGRAM.

- 17.6. U svim disciplinama je dozvoljeno organizovanje turnira uz obavezno pridržavanje Pravilnika.
- 17.7. U slučaju potrebe za održavanjem drugog sistema takmičenja Pravilnik se mora dopuniti ili izmjeniti te se tek može primjenjivati od slijedeće godine.

18. PRELAZNE I ZAVRŠNE ODREDBE

- 18.1. Ako postoji sumnja u značenju ili tumačenju ovog Pravilnika ili ako postoji proturječnost između ovog Pravilnika i ISSF Pravila, mjerodavan je tekst ISSF Pravila.
- 18.2. U slučaju spornih situacija koje nastanu u primjeni ovog Pravilnika a nisu regulisane ovim Pravilnikom, primjenjuju se odredbe ISSF na način da:
- Ako sporna situacija nastane za vrijeme održavanja takmičenja, odluku o načinu rješavanja sporne situacije donosi žiri takmičenja;
 - Ako sporna situacija nastane u drugoj situaciji a u vezi sa pitanjima koja uređuje ovaj pravilnik, odluku o načinu rješavanja sporne situacije donosi STK.
- 18.3. Izmjene i dopune ovog Pravilnika se vrše na način i po postupku predviđenom za njihovo donošenje.
- 18.4. Tumačenje ovog Pravilnika daje STK Streljačkog saveza FBiH.

Broj: _____

Datum: _____

PREDSJEDNIK UO SS FBiH

Rašid Kasumović